

可齋續藁

可

受

受

受

一八

詳校官庶吉士_臣吳烜

主事_臣呂雲棟覆勘

總校官無吉士臣倉聖脉

校對官中書臣蔣寬

謄錄舉人臣蔣傳馨

欽定四庫全書

可齋續藁後卷一

宋 李曾伯 撰

表

謝撫諭四川官吏軍民 甲寅

天顧坤維推堯仁而振恤風行渙號奉漢指以布宣四
達封圻一新視聽臣聞自五丁開蜀關而稱險要比三
卯罹狄難而致創殘懷哉我祖玉斧之經營咨爾藩侯
金甌之補綴不虞間歲荐值多艱民庶苦於流離將吏

疲于戰鬪加以征誅之無藝幾于用憊以莫支自非昭
萬里之明何以起一方之病誕頒綸旨式副輿情恭惟
皇帝陛下寬裕有容睿哲遠覽謂一夫不獲所謂父母
將何如念率土莫非臣豈天地猶有憾敷予心腹愛爾
體膚取籍而不稅之規倣奪以馭貧之義以收民志以
振國威揆元和賜魏博之緡豈惟六郡視建武復南頓
之賦奚止二年溥洽皇恩挽回生意臣猥司邊面祇廣
上心山東之扶杖願觀喜重法于德化河西之賜璽驚

見興益運于廟謨

謝資政殿學士四川宣撫使

天顧蜀邊命戎旃而宣力地資荆渚升書殿以寵行矧
視秩于政塗俾玷名于儒級循墻罔避及境欽承睠茲
中朝重在西事戎馬交于近邑何有藩籬魚鳧國之吾
民不堪塗炭宜凝旒之軫慮圖授鉞以于征然如臣浚
始專任而克勝臣鼎雖兼除而猶輟考得失紛紛于往
昔計安危凜凜于方今以若庸人曷膺重寄伏念臣孤

寒竄與困蹟多奇世受國恩冷落中原之遺緒身更兵事
艱難半世之粗官歷淮海以弭鯨浪之跳梁指峴樊以
披鹿場之蒼莽十經冰暑一念林泉纓冠何補于救鄰
負乘正虞于致寇便蕃三錫聯合二長躋之東序之班
假以丙科之賜車寵鍾鶚揆己則榮鋒蝟斧塘嗟持交
並疊有君命奚敢賈胡之留豈無臣忠不知嫠緯之恤
勉對揚于異數敬宣布于溫言江漢來旬愧匪周邦之
屏翰岷嶠既藝曷還禹貢之山川非赫厥靈何恃不恐

茲蓋恭遇皇帝陛下布宣聖武總攬權綱制治保邦每
念金甌之持守考圖數貢慨思玉斧之經營茲勤北顧
之憂爰授西討之略致令蒐瑣荐畀蕃宣臣敢不祗奉
成謨力扶壞證倣金城馳至之奏豈以充國之老而敢
辭取草廬跨有之言則恐葛亮之明而不及敢殫愚臆
願賜亟圖

謝賜笏帶鞍馬

玉殿升班載玷旬宣之寄天墀渙寵肆攷畫錫之儀樞

倭莫辭敬恭以拜伏念臣早膺簡記游被馳驅矍鑠據鞍類馬援之已老春容緩帶乏羊祜之能名恩徽俾視于政塗賚予倏來于御府萬釘腰繫將之象版之珍雙竹耳批華以繡鞞之飾顧惟庸陋曷克稱蒙恭惟皇帝陛下器使羣工馭公八柄市駿以徠賢士每加濡轡以遣行擇良以賜功臣以示荐紳之勉勵致叨異數亦及孤蹤臣敢不佩此毋忘鞭其弗逮挹西山之氣而有爽敢事清談盡東野之力以猶求懼辜隆委

謝賜銀絹乙卯

誕彌厥月僭效臣恭承寵自天乃切君賚鞠躬下拜感
德中藏伏念臣粵護師干屢逢震夙聿稽荆貢何能頌
金鑑之千奚有晉功顧辱倣彤弓之一織縞瑩如而實
篚精鏐粲若以滿篋於赫駢蕃以榮袞陋茲蓋恭遇皇
帝陛下基垂萬世禮遇羣工所寶惟賢豈貴遠人之物
以幣將意宜得忠臣之心茲際昌期特加異數臣敢不
益持精白仰答龐洪夸此惠臣歸有華于疏廣用而遺

子問何愧于胡威

謝宣賜香茶乙卯

六月于征顧憂未釋九天念遠好賜特頒芳潤皆珍炎
歆頓洗伏念臣駸尋老態牢落粗官世味驚心徒有劉
琨之憤悶邊氛眯目曾無應物之疑清詎意隆恩爰叨
嘉賚寶穗輟御爐之馥瓊芽來仙苑之奇于粲實奩以
華分闌恭惟皇帝陛下因時布惠以禮使臣養賢以大
亨擷此衆芳之萃感人以至治薰為萬宇之和晝錫所

加天顏若對臣敢不辨香必祝一飯毋忘同甘苦于三
軍誓殫愚力掃欃槍于萬里尚賴皇威

謝賜臘藥乙卯

天顧蠶叢猥玷中權之任日逢蜡索過叨上藥之旃奉
溫詔以欽承拊寒蹤而戰栗伏念臣支離弱質搖落壯
心護北塞之風老馬已疲于筋力戍西山之雪哀鴻正
苦于瘡痍敢期當漢戍之臨乃辱軫蜀丁之役賚之珍
劑藉以寶奩被畫錫于寵光知春回于生意恭惟皇帝

陛下對時育物執要用人以月日斯征尤嚴中國之衛
凡雨寒關念惟恐下民之咨致使微軀亦叨嘉惠臣敢
不講求康濟祇報穹窿益易良醫以起一方之病庶存
殘喘俾隨四序之更

謝轉光祿大夫表

乙卯

井絡宣威何取外庸之績奎章疏寵猥躋邇列之階籲
天莫及于渙揚曠日累增于震懼強顏祇命撫已銜恩
伏念臣本乏技能已盈分量援祁奚之請老亦既累年

踵文子以同升敢期誤用絕一毫之補報正二品之超
遷矧破敵未能正興赤手之歎而拜官此際祇愧蒼頭
之呼侈千載之遭逢新一時之觀聽但深隕越曷克稱
酌茲蓋恭遇皇帝陛下覆幬無私照臨有赫予羣臣以
馭幸既嚴周典之規咨四岳以陟明尤重虞廷之制第
慚謗陋亦被褒崇臣敢不恪誦絲綸勉思砥礪惟未必
朝臣之可懼速吏愆俾之遂鄉里之歸尚祈聖造

謝賜銀絹丙辰

祝效華封珍乏春朝之貢禮隆御府錫膺晝日之蕃拜
手祇承抃躬感激伏念臣猥共雪戍欣際虹流稽首三
呼難罄主恩之報寓忱一縷僅修時事之歸睿眷特隆
殊儀昭賚粲若滿籩之富侑之實篚之將寵渥前無光
華遠有恭惟皇帝陛下基垂萬世德並兩儀御衆以寬
治格衣裳之盛因時布惠政猶金石之堅退揆微蹤曷
叨異數臣敢不厯洪服命精白練心信且以銀安敢希
于泌約歸而賜帛願加愍于韓勞

出蜀宣賜謝表

屢幸引退曲荷生全一札傳宣特加寵賚佩聖恩之優
渥撫愚分以凌兢伏念臣衰朽孤蹤驅馳萬里洊被經
制宣之頃使厯更頻荆蜀之要區有如葺廢壘于荒殘
之餘當異證于壞爛之後危機共駭曠責幸逃覆存盡
出于九重補報何裨于萬一茲蒙洪造獲返竭廬正銜
戴于除知倏匪頒于異數奩鼎侈精鏐之重綺縑燦文
錦之華茗香二絕之萃竒海陸衆珍之豐美願惟疎遠